

# 卷一百一十三



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百一十三  
 內容分類 史 政書 歷代通制  
 索書號 貴重-17  
 編號 B3510400

[彩色首頁1](#)

[東洋文化研究所漢籍目錄 編號: B3510400](#)  
[東洋文化研究所漢籍目錄所藏漢籍善本文影像資料庫 索書號: 貴重-17](#)  
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)  
 版權所有: [東京大學 東洋文化研究所](#)  
[使用上的注意事項](#)

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

良醞署 主簿 掌醢署 太官署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 諸牧監 典廩署

正 典牧署 主簿 乘黃署 獄丞

司直 丞 評事 主簿 監

諸卿附

唱者曰再拜非飲福受胙者皆再拜獻官以下皆再拜贊禮者進初獻之左白請就望瘞位贊唱者引初獻就望瘞位西向立於獻官將拜岳令進神座跪取幣齋郎以俎載牲體黍稷飯詣瘞培以饌物置於培祭海瀆獻官拜訖瀆令及齋郎以幣血沉於瀆瀆令退就位東西廂各二人寘土半培贊者進初獻之左白禮畢遂引初獻以下出祝與執罇壘篚幕者俱復執事位立定贊唱者曰再拜再拜訖遂出祝版燔於齋所

杜氏通典卷第一百二十二終

杜氏通典卷第一百二十三

禮七十二古五 纂類八 大唐開元禮八

皇帝仲春仲秋上戊祭大社攝事附

齋戒 陳設 鑿駕還宮 鑿駕出宮 奠玉帛 進熟 季冬、稽太社

皇帝仲春仲秋上戊祭大社攝事附

齋戒如前祭方丘儀

陳設

前祭三日尚舍直長施大次於社宮西門之外道北南向尚舍奉御鋪御座衛尉設文武侍臣次於大次之後文官在左武官在右俱南向設諸次祭官於齋坊之內攝事無設大次儀 但守臣設祭官次三師於北門之外諸王於



三師之北俱東向南上文官從一品以下九品以上於齋坊南門之外重行東向北上介公鄴公於北門之外道東西向以南爲上諸州使人東方南方於諸王西北東面西方北方於介公鄴公東北重行俱南上武官三品以下九品以上於東門之外道北南向以西爲上諸國之客於東門之外東方南方於武官東北南向西方北方於道南北向俱以西爲上攝事無三師以下前祭二日太樂令設官懸之樂於壇北東方西方磬簾起南鐘簾次之南方北方磬簾起東鐘簾次之設十二鐃鐘於編懸之間各依辰位樹靈鼓於南懸之內道之左右植建鼓於四隅置祝於懸內

祝在左設歌鐘歌磬各於壇上近北南向皆磬簾在故在右西其匏竹者各立於壇下南向相對爲首凡懸皆展而編之

諸工人各位於懸後東方西方以南爲上南方北方以東爲上右校清掃內外又爲瘞埽二於南門之內

於稷壇西南攝事無埋坎二於樂懸之北方深取足容物北出陞前祭一日奉禮設位北門之內當社稷之壇北南向

將祭奉禮即一人守之在又設望瘞位西門之內當仙版東北立五步所南向瘞埽南向攝事無御位設祭官公卿位於西門之內

道北執事位於其後少北每等異位俱重行東面以南爲上設御史位於壇上正位於大社壇東北隅西

向副位於大稷壇西北隅東向攝事令史陪後設奉禮位於



樂懸西北贊者一人在北差退俱東面南上又設奉

禮贊者位於墜埴西北東向北上攝事無設協律郎奉禮位

位各於壇之上東北隅俱西向設太樂令位於南懸

之門南向設祭官位三師位於北門之內道西俱南

面東上設介公鄫公位於道東南面西上文官從一

品以下九品以上位於執事北每等異位俱重行東

向武官三品以下九品以上位於東方值文官每等

異位重行西向皆以南為上諸州使人位東方南方

於北門之內道西於諸王西北重行南向以東為上

西方北方於道東於介公鄫公東北重行南向以西

為上諸蕃客位於北門之內東方南方於諸州使人

之西每國異位重行南面以東為上西方北方於諸

州使人之東每國異位俱重行南面以西為上設門

外位祭官公卿以下皆於西門之外道南每等異位

重行北向以東為上三師位於北門之外道西諸王

於三師之北俱東向介公鄫公位於道東西向皆以

南為上文官從一品以下九品以上位西門之外祭

官之南每等異位重行北面以東為上武官三品以

下九品以上位於東門之外道北每等異位重行南

面以西為上諸州使人位東方南方於諸王西北重

行東面西方北方於介公鄫公東北西面俱南南上設

諸國客位東方南方於武官東北每國異位俱重行



南向西方北方於道南每國異位重行北向皆以西

為上攝寧無三師北門內位至此儀但設祭官門外之位設酒罇之位太社大

罇二著罇二壘二壇上西北隅南向設后氏象罇二

著罇二壘二於太社酒罇之西俱南向東上各置於

坵皆加勺爵皆置於罇下設太稷后稷酒罇於其壇上如

太社后土之儀設御洗各於太社太稷壇之西北南

向亞獻之洗又各於西北南向俱壘水在洗西篚在

洗東北肆篚實以執罇壘篚者位於罇壘篚後各設玉幣之篚於壇上罇坵之所晡後謁者引光

祿卿詣厨省饌具訖還齋所祭日未明十刻太官令

帥宰人以鑿刀割牲祝史以豆取毛血攝事齋即置

於饌所遂烹牲牲皆用黝未明五刻太史令郊社令各服

其服升設太社太稷神座各於壇上近南北向設后

士氏神座於太社神座之右后稷氏神座於太稷神

座之左俱東向席以莞設神座各於座首

鑿駕出宮如方丘之儀

奠玉帛

祭日未明三刻諸祭官各服其服郊社令良醞令各

帥其屬入實罇壘玉幣太罇為上實以醴齊著罇次

酌配座之罇亦如之齊加明水酒加玄酒各實於上

罇禮神之玉太社太稷俱以兩珪有邸幣色皆以玄

太官令帥進饌者實諸邊豆簋簋皆設於神厨未明

二刻奉禮帥贊者先入就位贊引引御史諸太祝及

通典卷之三



令史祝史與執罇壘篚幕者入自西門當太社壇北

重行南面以東為上凡引導者每曲一逡巡立定奉禮曰再拜

贊者承傳凡奉禮有詞贊者皆承傳御史以下皆再拜訖執罇者

各升自西陛立於罇所執壘洗篚幕者各就位贊引

引御史諸太祝詣太社壇西陛升行掃除於上令史

祝史行掃除於下降又詣太稷壇行掃除如太社之

儀訖各引就位駕將至謁者贊引各引祭官通事舍

人分引從祭羣官客使先置者俱就門外位駕至大

次門外迴輅南向將軍降立於輅右侍中進當鑾駕

前跪奏稱侍中臣某奏請降輅免伏興還侍位皇帝

降輅之大次謁者引文武五品以上從祭羣官皆就

門外立攝事謁者贊引引祭官各就位無駕將至至此儀大樂令帥工人二

舞次入就位文舞入陳於懸內武舞立於懸北道東

謁者引司空入就位立定奉禮曰再拜司空再拜訖

謁者引司空詣壇西陛升行掃除於上升稷壇亦如

之訖降行樂懸於上訖引就門外位皇帝停大次半

刻頃謁者贊引各引祭官通事舍人分引從祭文武

羣官介公鄴公諸國客使先入就位太常博士引太

常卿立於大次門外當門北向侍中版奏外辨皇帝

服繡冕次華蓋侍衛如常儀侍中負壘博士引太常

卿太常卿引皇帝凡太常卿前導皆博士先引至社宮西門外殿

中監進大珪尚衣奉御又以鎮珪授殿中監受進皇



帝搢大珪執鎮珪華蓋侍衛停於門外近侍中從入

如常儀謁者引禮部尚書太常少卿陪從如常皇帝

至版位南向立每立定太常卿與謁者贊引各引祭

官次入就位立定太常卿前奏稱請再拜退復位皇

帝再拜奉禮曰衆官再拜在位者皆再拜其先拜太

常卿前奏有司謹具請行事退復位攝事謂者白協

律郎跪俛伏舉麾凡取物者跪俛伏而後興鼓祝奏

順和之樂乃以函鐘為均文舞八成偃麾戛致樂止

凡樂皆協律郎舉麾工鼓祝而後作偃麾戛致而後止太常卿前奏稱請再拜

退復位皇帝再拜奉禮曰衆官再拜在位者皆再拜

諸太祝俱取玉幣於篚各立於罇所太常卿引皇帝

太和之樂作皇帝每行皆皇帝詣太社壇升自北階

侍中中書令下及左右侍衛量人取升以下皆皇帝

升壇南向立樂上太祝加玉於幣以授侍中侍中奉

玉幣西向進皇帝搢鎮珪授玉帛凡授物皆搢鎮珪

典登歌作肅和之樂乃以應鐘之均太常卿引皇帝

進南向跪奠於太社神座俛伏興太常卿引皇帝少

退南向再拜太常卿引皇帝立於東方西向太祝以

幣授侍中侍中奉幣南向進皇帝受幣太常卿引皇

帝進西向跪奠於后土氏神座俛伏興太常卿引皇

帝少退西向再拜訖登歌止太常卿引皇帝降自北

陛樂作太常卿引皇帝詣太稷壇升自北陛南向立



樂止太祝加玉於幣以授侍中侍中奉玉帛西向進  
皇帝受玉帛登歌作太常卿引皇帝進南向跪奠於  
太稷神座俛伏興太常卿引皇帝少退南向再拜訖  
太常卿引皇帝立於東方西向又太祝以幣授侍中  
侍中奉幣南向進皇帝受幣登歌作太常卿引皇帝  
進奠於后稷氏神座俛伏興太常卿引皇帝少退西  
向再拜訖登歌止太常卿引皇帝降自北陛樂作皇  
帝還版位南向立樂止初羣官拜訖祝史各奉毛血  
之豆立於門外登歌止祝史奉毛血入各由其陛升  
諸太祝迎取於壇上俱進奠於神座前諸太祝與祝  
史退立於樽所

進熟

皇帝既升奠玉帛太官令出帥進饌者奉饌陳於西  
門外謁者引司徒出詣饌所司徒奉太社之俎初皇  
帝既至位樂止太官令引饌入太社太稷之饌入自  
正門配座之饌入自左闈俎初入門雍和之樂作以  
太簇之均饌至陛樂止祝史各進徹毛血之豆降自  
西陛以出太社太稷之饌升自北陛配座之饌升自  
西陛諸太祝迎引於壇上各設於神座前邊豆蓋畢  
先徹乃升  
簋盥奠訖却  
其蓋於下設訖謁者引司徒以下降自西陛復位  
諸太祝還樽所太常卿引皇帝詣盥洗樂作其盥洗  
之儀並如圓丘太常卿引皇帝樂作皇帝詣太社壇



升自北陛樂止謁者引司徒升自西陛立於罇所齋  
 郎奉俎從升立於司徒之後太常卿引皇帝詣太社  
 酒罇所執罇者舉罇侍中贊酌醴齊壽和之樂作皇  
每酌獻及飲福皆作壽和之樂太常卿引皇帝進太社神座前南面  
 跪奠酌俛伏興太常卿引皇帝少退南向立樂止太  
 祝持進於神座之右西面跪讀祝文曰維某年歲次  
 月朔日子嗣天子某攝事云謹遣太尉封臣名下同敢昭告于太社  
 惟神德兼博厚道著方直載生品物含弘庶類謹因  
 仲秋仲春祗率常禮敬以玉帛一元大武柔毛剛鬣  
 明粢薌合薌箕嘉蔬嘉薦醴齊備茲禋瘞用申報本  
 以后土勾龍氏配神作主尚饗與皇帝再拜初讀祝

文訖樂作太祝進奠版於神座前還罇所皇帝拜訖  
 樂止太常卿引皇帝詣后土氏酒罇所執罇者舉罇  
 侍中取爵於坫進皇帝受爵侍中贊酌醴齊樂作太  
 常卿引皇帝進后土氏神座前西向跪奠爵俛伏興  
 太常卿引皇帝少退西向立太祝持版進於神座之  
 左南面跪讀祝文曰維某年歲次月朔日子開元神  
 武皇帝某敢昭告于后土氏爰茲仲秋揆日惟吉恭  
 脩常事薦于太社惟神功著水土平易九州昭配之  
 義寔惟通典謹以制幣一元大武柔毛剛鬣明粢薌  
 合薌箕嘉薦醴齊陳于表位作主侑神尚饗訖興皇  
 帝再拜初讀祝文訖樂作太祝進奠版於神座還罇



所皇帝拜訖樂止太常卿引皇帝進太社神座前南向立樂作太祝各以爵酌上罇福酒合置一爵一太祝持爵授侍中侍中受爵東向進皇帝拜受爵跪祭酒啐酒奠爵俛伏興太祝帥齋郎進俎太祝減太社神座前三牲胙肉各置一俎上太祝以俎授司徒司徒持俎東向以次進皇帝每受以授左右皇帝跪取爵遂飲卒爵侍中進受爵以授太祝太祝受爵復於坵皇帝俛伏興再拜樂止太常卿引皇帝樂作皇帝降自北陛詣壘洗樂止謁者引司徒降壇西陛以從皇帝至壘洗盥手洗爵侍中黃門侍郎贊洗如常訖太常卿引皇帝樂作皇帝詣太稷壇升自北陛樂止

謁者引三公三公與齋郎奉俎升自西陛立於罇所皇帝詣太稷酒罇所執罇者舉罇侍中贊酌醴齊樂作太常卿引皇帝進太稷神座前南向跪奠爵俛伏興太常卿引皇帝少退南向立樂止太祝持版進於神座之右西向跪讀祝文曰維某年歲次月朔日子嗣天子某敢昭告于太稷惟神播生百穀首茲八政用而不匱功濟萌黎恭以玉帛一元太武柔毛剛鬣明粢薌簋薌合嘉薦醴齊式陳瘞祭備脩常禮以后稷棄配神作主尚饗訖皇帝再拜初讀祝文訖樂作太祝進奠版於神座還罇所皇帝拜訖樂止太常卿引皇帝詣后稷氏酒罇所執罇者舉罇侍中取爵於



通典卷之三  
九  
沾進皇帝受爵侍中贊酌醴齊樂作太常卿引皇帝  
詣后稷氏神座前西向跪奠爵俛伏興太常卿引皇  
帝少退西向立樂止太祝持版進於神座之左南面  
跪讀祝文曰維某年歲次月朔日子開元神武皇帝  
某敢昭告于后稷氏爰以仲春秋式揀吉辰敬脩  
恒禮薦于太稷惟神功叶稼穡闡脩農政允茲從祀  
用率舊章謹以制幣一元太武柔毛剛鬣明粢薌合  
薌簋嘉薦醴齊陳于表位作主配神尚饗訖興皇帝  
再拜初讀祝文訖樂作太祝進奠版於神座前還罇  
所皇帝拜訖樂止太常卿引皇帝進太稷神座前南  
向立樂作皇帝飲福受胙如太社之儀訖樂止太常

卿引皇帝樂作皇帝降自北陛還版位南向立樂止  
謁者引司徒降自西陛復位文舞出鼓祝作舒和之  
樂出訖戛鼓樂止武舞入鼓祝作舒和之樂立定戛  
鼓樂止皇帝獻后土氏將畢謁者引太尉攝事則引太常卿下  
同詣壘洗盥手洗爵訖謁者引太尉自西陛升壇詣  
太社酒罇所執罇者舉罇太尉酌盞齊武舞作謁者  
引太尉進太社神座前南向跪奠爵興謁者引太尉  
少退南向再拜謁者引太尉詣后土氏酒罇所取爵  
於沾執罇者舉罇太尉酌盞齊謁者引太尉進后土  
氏神座前南向跪奠爵興謁者引太尉少退西向再  
拜謁者引太尉進太社神座前南向立太祝各以爵



酌壘福酒合置一爵一大祝持爵進太尉之右東向  
立太尉再拜受爵跪祭酒遂飲卒爵太祝進受爵復  
於坵太尉興再拜謁者引太尉降自西陛詣壘洗爵  
請太稷壇升獻如太社之儀訖引降復位初太尉獻  
后土將畢謁者引光祿卿攝事同與光祿卿為終獻詣壘洗盥手  
洗爵升酌盞齊終獻如亞獻之儀訖謁者引光祿卿  
降復位武舞六成樂止舞獻俱畢諸太祝各徹豆還  
罇所奉禮曰賜胙贊者唱衆官再拜在位者皆再拜  
已飲福受胙者不拜順和之樂作太常卿奏稱請再  
拜退復位皇帝再拜奉禮曰衆官再拜在位者皆再  
拜樂一成止太常卿前奏請就望瘞位太常卿引皇

帝樂作皇帝就望瘞位南向立樂止羣官將拜諸太  
祝各執篚進神座前取幣齋郎以俎載牲醴稷黍飲  
爵酒各由其陛壇南行當瘞壇西行諸太祝以玉幣  
饌置於壇訖奉禮曰可瘞壇東西面各四人實土半  
壇太常卿前奉禮畢太常卿引皇帝還太次樂作皇  
帝出門殿中監前受鎮珪以授尚衣奉御殿中監又  
前受大珪華蓋侍衛如常儀皇帝入次樂止謁者贊  
引引祭官通事舍人分引從祭羣官諸方客使以次  
出贊引引御史以下俱復執事位立定奉禮曰再拜  
御史以下皆再拜贊引引工人二舞以次出其祝版  
燔於齋所



鑾駕還宮 如方丘之儀

季冬禘太社 如上儀

太社祝文曰維神降祐百穀時登謹以玉帛犧齊粢盛庶品恭薦于太社以后土勾龍氏配神作主尚饗  
○后土氏祝文曰今時和年登恭薦禋祀于太社惟神功協水土作主配神謹以云云  
○太稷祝文曰惟神主茲百穀粒此黎元謹率常禮恭以玉帛云云  
○后稷祝文曰今時和年登敬薦禋祀于太稷惟神功協稼穡作主配神云云

杜氏通典卷第一百一十三終

杜氏通典卷第一百一十四

禮七十四 古六 纂類九 大 唐 開 元 禮 九

皇帝時享于太廟 凡一歲五享謂四孟月及臘宗廟三年一禘以孟冬五年

一禘以孟夏及諸享攝事並附

齋戒 陳設 齋戒 齋駕出宮 晨裸 饋食

鑾駕還宮 禘七祀 禘駕還宮 袷禘以功臣配享

齋戒

將享有司卜日如常儀皇帝散齋四日於別殿致齋三日於太極殿服通天冠絳紗袍結佩並如圓丘儀應享官齋具序例儀 袷禘 儀同

陳設